

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA BREZA
JU OŠ „ENVER ČOLAKOVIĆ” BREZA
Ul. Šehidska br. 32, Breza 71370, BiH**

Na osnovu člana 94, a u skladu sa članom 97. i članom 98. Zakona o osnovnoj školi („Službene novine Zeničko-dobojskog kantona“ broj: 3/18), člana 8. i člana 9. Pravilnika o izboru i imenovanju direktora osnovne škole („Službene novine Zeničko-dobojskog kantona“ broj: 10/21), člana 54, a u skladu sa članom 47. Pravila JU OŠ „Enver Čolaković“ Breza, i Odluke Školskog odbora JU OŠ „Enver Čolaković“ Breza (broj: 260/26. od 28.04.2026.godine), Školski odbor JU OŠ „Enver Čolaković“ Breza, raspisuje

**KONKURS
za izbor i imenovanje direktora/ice škole
na mandat od četiri (4) godine**

I Uvjeti za izbor i imenovanje direktora/ice škole:

Za direktora/icu Javne ustanove Osnovna škola „Enver Čolaković“ Breza, može biti imenovana osoba koja, osim općih, ispunjava i sljedeće posebne uvjete, i to:

- Da je državljanin/ka Bosne i Hercegovine;
- Da posjeduje opću zdravstvenu sposobnost, da ne boluje od duševne ili zarazne bolesti, da nije ovisnik o alkoholu i drugim opijatima;
- Da u pogledu stručne spreme ispunjava uslove za nastavnika u osnovnoj školi, odnosno stručnog saradnika u osnovnoj školi;
- Da ima najmanje 5 godina radnog staža na poslovima u nastavi, odnosno odgojno-obrazovnom procesu, a naročito se ističe svojim radom, sposobnostima organizacije odgojno-obrazovnog rada škole i u pedagoškoj teoriji i praksi o čemu posjeduje mjerljive pokazatelje, odnosno relevantnu dokumentaciju;
- Da ima najmanje VI stepen stručne spreme, odnosno završen studij po Bolonjskom sistemu (najmanje 180 ECTS bodova);
- Da nije član/ica tijela ili organa niti jedne političke stranke, te da za sve vrijeme obnašanja povjerenih javnih dužnosti neće politički djelovati u smislu postupanja po datim političkim uputstvima ili preporukama, smjernicama i komentarima političkih stranaka, javnog angažovanja u radu stranačkih tijela ili organa, učešća u organizovanju javnih političkih istupa uključujući i javna istupanja na političkim skupovima stranaka ili njihovih organa i tijela, kao i svim drugim oblicima javnog podržavanja iznesenih stavova političkih stranaka, a na osnovu kojih bi se u javnosti ili školi, mogla dovesti u pitanje njegova/njena opredjeljena politička nepristrasnost;
- Da nije na drugoj poziciji koja može utjecati na eventualni sukob interesa;
- Da nije u bilo kakvom srodstvu sa članovima Školskog odbora;
- Da protiv njega/nje nije pokrenut krivični postupak, nije potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine i Bosne i Hercegovine može izreći kazna zatvora u trajanju od tri mjeseca i više.
- Saglasnost Vlade Kantona izabranom kandidatu.

II Vrijeme za koje se vrši izbor i imenovanje:

Školski odbor imenuje direktora/icu škole na mandatni period od četiri (4) godine, uz prehodnu saglasnost Vlade Kantona izabranom kandidatu.

III Dokumenti koje su kandidati dužni podnijeti uz prijavu:

Prijava na konkurs za izbor i imenovanje direktora/ice škole treba biti svojeručno/vlastoručno potpisana, i treba da sadrži popis dokumentacije koja se prilaže uz prijavu na konkurs, te kontakt podatke: adresu i broj telefonu kandidata.

Uz prijavu na konkurs za izbor i imenovanje direktora/ice škole, kandidati su dužni priložiti originalne dokumente ili ovjerene fotokopije dokumenata:

1. Biografija / CV (svojeručno/vlastoručno potpisana);

2. Izvod iz matične knjige rođenih (koji nema ograničen rok važenja);
3. Uvjerenje o državljanstvu (da nije starije od 6 mjeseci, računajući od datuma izdavanja);
4. Diploma o završenoj stručnoj spremi;
5. Uvjerenje o položenom stručnom ispitu;
6. Uvjerenje/potvrda o radnom stažu na poslovima u nastavi, odnosno odgojno-obrazovnom procesu;
7. Uvjerenje da se protiv kandidata ne vodi krivični postupak (da nije starije od 6 mjeseci, računajući od datuma izdavanja);
8. Ovjereni i potpisani izjavi da nije član/ica tijela ili organa niti jedne političke stranke, te da za sve vrijeme obnašanja povjerenih javnih dužnosti neće politički djelovati u smislu postupanja po datim političkim uputstvima ili preporukama, smjernicama i komentarima političkih stranaka, javnog angažovanja u radu stranačkih tijela ili organa, učešća u organizovanju javnih političkih istupa uključujući i javna istupanja na političkim skupovima stranaka ili njihovih organa i tijela, kao i svim drugim oblicima javnog podržavanja iznesenih stavova političkih stranaka, a na osnovu kojih bi se u javnosti ili školi, mogla dovesti u pitanje opredjeljena politička nepristrasnost;
9. Ovjereni i potpisani izjavi da nije na drugoj poziciji koja može utjecati na eventualni sukob interesa;
10. Ovjereni i potpisani izjavi da nije u bilo kakvom srodstvu sa članovima Školskog odbora;
11. Rješenje ili drugi dokaz da se naročito ističe svojim radom i sposobnostima organizacije odgojno-obrazovnog rada škole i u pedagoškoj teoriji i praksi;
12. Program rada Javne ustanove Osnovna škola „Enver Čolaković“ Breza, za period na koji se imenuje direktor/ica škole (svojeručno/vlastoručno potpisan);
13. Ljekarsko uvjerenje (ne starije od 6 mjeseci, računajući od datuma izdavanja, dostavlja izabrani kandidat);
14. Uvjerenje o nekažnjavanju (da nije starije od 6 mjeseci, računajući od datuma izdavanja, dostavlja izabrani kandidat i to nakon izbora od strane Školskog odbora, a prije dobivanja prethodne saglasnosti Vlade Kantona izabranom kandidatu za imenovanje na poziciju direktora/ice škole).

IV Rok za podnošenje prijava kandidata:

Rok za podnošenje prijava kandidata na konkurs za izbor i imenovanje direktora/ice škole je petnaest (15) dana, od dana objavljivanja.

V Način i rok obavješćavanja kandidata o rezultatima konkursa:

O rezultatima konkursa kandidati će biti obavješćeni pismenim putem, u roku od osam (8) dana od dana donošenja Odluke Školskog odbora.

VI Dostava prijave na konkurs sa potrebnim dokumentima:

Prijave na konkurs za izbor i imenovanje direktora/ice škole sa potrebnim dokumentima u zatvorenoj koverti (sa naznakom „prijava na konkurs za izbor i imenovanje direktora/ice-NE OTVARAJ“) potrebno je dostaviti putem pošte na adresu JU OŠ „Enver Čolaković“ Breza– za Školski odbor, ul. Šehidska br. 32, Breza 71370, BiH, ili predati lično radnim danom na protokol-kancelarija sekretara škole.

Nepotpisane, nepotpune i neblagovremeno pristigle prijave neće se razmatrati.

Nakon isteka žalbenog roka kandidati koji ne budu imenovani na poziciju direktora/ice škole mogu lično preuzeti dostavljena dokumenta.

Broj: 261 /26.

Dana, 28.04.2026.godine

Predsjednica Školskog odbora:

mr. Amina Frljak